

**ANIMACIÓN SOCIOCULTURAL
PROGRAMACIÓN 2023_2024**

CENTROS DE CONVIVENCIA MUNICIPAIS

CONDICIÓN XERAIS

CALENDARIO

- ✓ Duración da programación: do 02 de novembro de 2023 ao 31 de maio de 2024 (ambos os dous incluídos, o mesmo que en diante).
- ✓ Períodos de vacacións: Constitución (6, 7 e 8 de decembro), Nadal (do 23 de decembro ao 7 de xaneiro), Entroido (12 e 13 de febreiro) e Semana Santa (do 25 ao 29 de marzo).

PERSOAS DESTINATARIAS: persoas empadroadas no Concello de Lugo.

RESERVA DE PRAZAS: 20% (máximo) para persoas con diversidade funcional e outros colectivos, segundo o criterio profesional da técnica ou técnico responsable de Animación Sociocultural e tras a derivación da profesional dos Servizos Sociais Municipais Comunitarios que corresponda.

INSCRICIÓN

- ✓ Prazo: DO 18 AO 22 DE SETEMBRO DE 2023
- ✓ Presentación de solicitudes: de xeito presencial nos centros de convivencia municipais en horario de mañá, das 09.00 ás 13.00 horas, ou a través do Rexistro electrónico do Concello.
- ✓ Requisitos:
 - a) Persoas adultas: número do NIF/NIE/pasaporte.
 - b) Nenas e nenos: data de nacemento e número do NIF/NIE/pasaporte da nai/pai/titora ou titor legal.
- ✓ Limitación de solicitudes:
 1. Só é posible presentar TRES solicitudes por persoa e centro, como máximo.
 2. Obradoiros psicofísicos: máximo UNHA solicitude por centro e ata un máximo de tres centros.
 3. Non se admitirán solicitudes en obradoiros similares e/ou do mesmo contido no mesmo e/ou en varios centros.
 4. Nos obradoiros de nenas e nenos non hai límite de solicitudes.
- ✓ Adxudicación das prazas: por sorteo informático público, que terá lugar o día 27 de setembro ás 11.00 horas comezando, por orde ascendente, polos centros con menor número de solicitudes globais.

Nos obradoiros psicofísicos, o feito de obter praza nun deles supón a exclusión no sorteo dos demais obradoiros deste grupo.

LISTAS PROVISIONAIS:

- ✓ Listaxes de persoas admitidas: nos taboleiros dos centros, dende o día seguinte ao do sorteo.

- ✓ Listaxes de reserva: consultarase na conserxería dos centros. Terán un número de prazas equivalente ao 50% do total das dispoñibles para cada obradoiro.
- ✓ Pagamento da cota: as persoas que obteñan praza deberán:
 1. Cubrir o modelo 603 de autoliquidación (dispoñible nos centros de convivencia ou na páxina web: www.concellodelugo.gal) e efectuar o ingreso da cota correspondente entre os días 28 de setembro e o 6 de outubro nas entidades Abanca, BBVA, Caixa Rural, Banco Sabadell ou La Caixa (indistintamente).
 2. Achegar o xustificante de pagamento ao centro de convivencia que corresponda, como máximo, ata o día 9 de outubro. De non o facer así, producirase a baixa no proceso de inscrición.

LISTAS DEFINITIVAS

- ✓ Publicación: o 16 de outubro nos taboleiros dos centros.
- ✓ 2º prazo de ingreso: o 17 e 18 de outubro.
- ✓ Prazo de entrega do resgardo de pagamento e de comunicación de renuncia á praza no caso de actividades sen cota: 18 de outubro.
- ✓ Vixencia das listaxes de reserva: ata o 30 de novembro. Esgotada a lista de reserva, as vacantes que se produzan cubriranse a medida que se reciban novas solicitudes. As persoas que se incorporen a un obradoiro de pagamento unha vez iniciado este, aboarán a cota que lles corresponda en función das horas que resten ata a súa finalización.
- ✓ Asistencia: aquelas persoas que acumulen o 25% de faltas de asistencia (calculadas sobre o número de horas totais ou, se é o caso, proporcionais do obradoiro correspondente) causarán baixa na actividade, salvo criterio profesional motivado da técnica ou técnico responsable de animación sociocultural do centro de que se trate.

Non obstante, poderá requirirse a xustificación das faltas de asistencia que se produzan nos obradoiros que oportunamente se indiquen pola técnica ou técnico responsable de animación sociocultural que corresponda.

INDICACIÓNS XERAIS PARA OS OBRADOIROS E ACTIVIDADES DA VIXENTE PROGRAMACIÓN

- ✓ A validez das solicitudes presentadas queda supeditada en último caso ao cumprimento dos requisitos fixados para a inscrición.
- ✓ As limitacións establecidas para a presentación de solicitudes deixarán de ser aplicables no caso de existir prazas vacantes unha vez rematado todo o proceso de inscrición e non haber solicitudes nas listaxes de reserva dos respectivos obradoiros.
- ✓ Non se reintegrará o importe da cota de inscrición, agás no suposto de que a actividade se suspenda por iniciativa do Concello.
- ✓ O Concello de Lugo resérvase o dereito a suprimir as actividades se non se acada un número mínimo de solicitudes. Así mesmo, o Concello resérvase o dereito de unificar grupos similares no caso de asistencia insuficiente. Permanecerá aquel que rexistre un número maior de solicitantes sen que, neste caso, exista dereito ao reintegro da cota.

- ✓ Quen participe en calquera das actividades desta programación responsabilízase de seleccionar aquelas acordes coas súas capacidades psicofísicas. En caso contrario, e de producirse calquera tipo de dano, será baixo a súa exclusiva responsabilidade.

De causar baixa no obradoiro non se producirá a devolución da cota.

- ✓ As/Os menores de idade que asistan a actividades no centro estarán baixo a responsabilidade exclusiva das súas nais/pais, titoras ou titores, encargados de transmitirilles as normas de convivencia e de achegalas/os e recollelas/os á hora de comezo e remate da actividade da que se trate.

BAILES NOS CENTROS DE CONVIVENCIA MUNICIPAIS

Todos os sábados e domingos, das 16.30 ás 20.00 horas, nos centros Lamas de Prado, Milagrosa e Maruja Mallo.

AULAS ABERTAS (PERSOAS ADULTAS)

Son espazos de encontro para poñer en práctica distintas manifestacións artísticas. Poderán contar coa presenza dunha monitora ou monitor ocasionalmente. Teñen carácter gratuíto.

Establécese a seguinte orde de prioridade:

1. Persoas empadroadas xa iniciadas na materia e que non obtivesen praza nos obradoiros de igual temática.
2. No caso de existir vacantes, realizarase unha avaliación por parte da/o animadora/animador ou da/o técnica/o responsable do servizo.

OBRADOIROS DE CASTELÁN PARA PERSOAS MIGRANTES

O prazo de inscrición é do 13 ao 17 de novembro, en horario de mañá, das 9:00 ás 13:00 horas, por orde de inscrición. Estes obradoiros impartiranse no centro de Convivencia da Milagrosa. Estes obradoiros comenzarán o 27 de novembro.

Estes obradoiros están cofinanciados por:



ACTIVIDADES DE CARÁCTER ABERTO COMÚNS A TODOS OS CENTROS

- ✓ Celebración do Entroido, Letras Galegas, Nadal, etc.
- ✓ Xornadas de clausura das actividades e exposicións de traballos.
- ✓ Outras xornadas de temáticas diferentes.
- ✓ Encontros, charlas, conferencias e mesas redondas sobre temas de actualidade.
- ✓ Conmemoracións de datas sinaladas de sensibilización sociocultural.
- ✓ Actividades na fin de semana.
- ✓ Saídas culturais e excursións.
- ✓ Actividades de desenvolvemento comunitario en xeral.
- ✓ Outras actividades culturais e de lecer de carácter puntual.

A información sobre os horarios, os programas e os demais datos relativos a estas actividades publicarase no seu momento.

TECIDO ASOCIATIVO

Os centros de convivencia municipais, ademais, poñen a dispor das asociacións ou grupos que o desexen os seus locais para o desenvolvemento puntual de actividades socioculturais sen ánimo de lucro, respectando as normas de acceso, mantemento e coidado das instalacións, así como o correcto comportamento por parte das persoas usuarias.

ACTIVIDADES NA AREA RURAL

Organizaranse actividades nos Centros de Dinamización Rural:

- ✓ Santa María de Bóveda
- ✓ San Xoán do Campo
- ✓ Santa Engracia de Santa Comba
- ✓ San Pedro de Calde
- ✓ Santiago de Saa
- ✓ Rubiás, Vila de Arriba
- ✓ María Madanela de Coeses

Así mesmo, os telecentros e as escolas rurais propiedade do Concello de Lugo terán tamén o seu programa de actividades que se elabora conxuntamente cos usuarios destas instalacións.

RESUMO DE DATAS E PRAZOS PARA A PROGRAMACIÓN 22/23

COMEZO E REMATE DAS ACTIVIDADES	2 de novembro de 2023 31 de maio de 2024
INSCRICIÓN	Do 18 ao 22 de setembro de 2023
SORTEO	27 de setembro de 2023, ás 11.00 horas
PUBLICACIÓN DAS LISTAS PROVISIONAIS DE PERSOAS ADMITIDAS	28 de setembro de 2023
PAGAMENTO DA COTA	DO 28 AO 6 DE OUTUBRO (xustificantes ata o 9 de outubro)
PUBLICACIÓN DAS LISTAS DEFINITIVAS	16 de outubro de 2023
PAGAMENTO DA COTA (para persoas incluídas nas listas definitivas)	17 e 18 de outubro de 2023 (xustificantes ata 18 de outubro de 2023)
VALIDEZ DA LISTA DE RESERVA	Ata o 30 de novembro de 2023
CASTELÁN PARA PERSOAS MIGRANTES (inscrición)	Do 13 ao 17 de novembro do 2023